

瓠北詩鈔

一
函
十
冊
函

鮑北詩鈔七言古四

陽湖 趙翼 雲崧

萬安橋畔有夏將軍廟卽傳奇所稱入海投文之
醉隸夏得海也事見明史蔡錫傳中戲書其事

於壁

堂上方呼下得海小吏應聲某斯在遂令賁檄赴海投
官已簽名不可改歸來先學鯨吸州一口直欲乾渤海
黑風任墮毒龍國白浪何須水犀鎧正潮來處企脚眠
曉出劉唐只入腿是人非人鬼非鬼巡洋夜叉見而駭
白鱗堂廣利王有个糟豚可作醢豈知明神助利林

特作報章答守宰乘酒而出得醋還酉月廿一址堪鼎
遂成鼉梁百萬丈雄跨蛟浦屹千載蔡公祠旁嚴像設
易換頭銜發光彩生爲賤隸死將軍香火至今雲霞隸
始知從古成名入總出癡默氣不餒

戲本所演八仙不知起於何時按王氏續文獻通
考及胡氏筆叢俱有辨論則前明已有之蓋演
自元時也沙溪旅館有繪圖成軸而題詩於上
者詞不雅馴因改書數語於後

何人學作王老志劾召鬼神示游戲把他多少古仙人

亂點鴛鴦集冠帔韓湘張果呂洞賓此外載籍無其

由來化城本荒幻何必捫簪求其真天下都散漢竟作
時代看鐵拐無姓李或言劉跛子趙家外戚傳不聞曹
翁能修煉藍衫老采和丈夫忽變爲嬌娥又况何姑愛
酬答偏與羣真坐聯榻仙家想是無凡心不妨男女相
混雜舞衣今作畫圖傳此輩猶爲有漏禪少年狡獪非
我事舉手自拍洪崖肩

啖荔戲書

昔啖荔支在南粵食不知味爲忙碌老來忽作閩南遊
大補此翁饒口福端陽纔過初嘗新酸澁猶教舌本縮
一日一變到圓滿百顆堆盤紅菽菽甘夫人臥絳紗中

一擘驚看白如玉豐腴應笑只識酥鮮潔兼令不思肉
就中一種更尤物核小而尖誰結束魴魚無刺蟹無甲
快事乃在佳果熟乳軟不煩齧齟勞蜜甜兼徹中邊複
托根豈植沒骨山結實偏彷彿心竹始信人間有絕品
柳酒蔗漿總凡木楊梅幸出半月前不與同時入市鬻
趙家姊妹將入宮婕妤好早避長門宿龍眼在旁也狡黠
故緩登場暫退伏玉環去後無美人如仙媛亦伴幽獨
只有李桃不自量正用此時綻如璫自恃猶思邢尹爭
相形已覺輿臺辱老夫日翻君謨譜品題直到江家綠
彈圓箏箏次第嘗擬仿前賢增手錄人情最愛側生兒

忽引鄉思頓撥觸

同安道中遇雨

尋山阮孚自蠟屐因人作遊本非策我行夜過漳南道
邪許人多虎無迹一燈遠店紅有光千樹深林黑無曉
曉色夜色雨相迸此段清暉最可惜不知是烟還是海
但覺茫茫一片白少焉日氣蒸霧來熱逼鬚眉不可隔
方延朝爽興舉帷已炙午歎衣透綰風聲雨聲山欲坼
水帶泥流滿溝亦直疑中有蛟龍鬪湧山空山血盈尺
是時老夫心膽裂本欲快遊翻受嚇惹他旁觀笑何苦
垂老翻爲瘴鄉客

漳州木棉花懷古

快事千秋一拉脅我爲天下殺此賊木棉花痕血流紅
血紅花紅共一色憶昔平章正少年夜遊燈火滿湖邊
門高威里連官掖朝倚長城奠海堦勲名蓋世誇援鄂
暗許金縢有成約歸去翻矜却敵功福華一部書韜略
正當北國造基忙留得南朝處堂樂是時黃閣倚天開
葛嶺初賜改舊臺五日都堂班絕席百僚文案稟鈞裁
買田供饋邊軍費增餼牢籠太學才多寶閣成晨躡屐
半闕堂靜夜傳杯威行玉帶重泉取權効金輿大祀回
以去要君天子拜暫歸葬母太皇催甘載湖山紛綺繡

不堪砲打襄陽透圍城久絕虬蟬援相府方酣蟋蟀鬪
事急倉皇再出師橫江戰敗難遮覆潰兵旗亂喚誰磨
逃將舟迴呼不救昔人曾恥言和議謂是偷安無志氣
到此翻思秦會之乞和未必非長計早知諾責召鄰兵
悔不盟書輸歲幣有詔師臣誤國謀山陰小吏正懷讐
願充押伴炎方去狹路相逢南劍州捧詔來呼賈團練
巾車去蓋無呵殿杭歌嘲客次途多閩檄逐人傳帖徧
已問吳潛何故來况堪葉李重相見當年意氣壓公卿
今日仰看丞尉面黯黹江清不肯投猶恃國恩延一線
漳寺喬柯蔭碧穹老拳於此逞英雄雖輸王著揮椎早

已勝施全刺刃空笑指木棉花樹下破銅山賊有奇功
可憐此樹無端辱長使遊人訪遺躅一樣投荒故相來
累儂不作萊公竹著花亦將呼醜枝息陰或更比惡木
風聲夜半似號冤老樹精啼非鬼哭

諸羅守城歌

上以諸羅士民力守孤城特改縣名嘉二我
以示獎勵今仍舊名者牛城時尚未改名也

諸羅城萬賊攻士民堅守齊効忠邑小無城只離落衆
志相結成垣墉浸尋百日賊益証環數十里屯蟻蜂援
節三番不得進山頭連夕惟傳烽是時矛戟脩羅宮陣
爲天魔車呂公

賊用枋車來
攻爲砲擊碎

吼聲轟雷震遙岳噓氣滂霧

迷高穹孤軍力支重圍中草根樹皮枯腸充飢飛鳥雀

不敢下恐被羅取爲朝餐裹瘡忍餓猶折衝壯膽寧煩
蜜翁翁百步以外不遙拒待其十步方交鋒一砲打成
血衝獅尺腿寸臂飛滿空戈頭日落更夜戰萬枝炬火
連天紅何當范羌拔耿恭赴援艦已排黃龍會有長風
起西北揚帆直達滄溟東

颶風歌

昔聞海風颶最大我今遇之鷺門廨誰將噫氣閉土囊
一噴咽喉不可搯齧齧萬鼓排陣來羣木盡作低頭拜
鬱怒似有塊磊填憤盈直覺虛空隘鬼魔掀動天擺摩
虎豹吼裂山破壤立脚雖穩尙愁倒對面相呼只如噴

可憐鸛鵲亦不飛恐被狙出青天外是時習流千戰懼
眼望赤嵌不得到湧浪上薄浮空雲濺沫橫轟發機礮
盡排鷁首柁杙牢猶自終宵驚簸掉風名颶母應雌風
胡爲更比雄風雄想死少女封姨後老作陰怪多神通
多神通何不吹轉颿向東不然竟刮海濤竭舉步可達
扶桑紅吾當綠章上箋奏俾雨配食天姬宮

贈李我洲孝廉

交誼從來在生死世間乃有真義士贊皇出築籌邊樓
中有參謀同姓李主裁哨不受人憐議論平能令公喜
一朝劇賊起攬東殺吏攻城捷若風書生誇謔催上馬

馬蹄血滑頭顱紅前鋒戰敗蜂糾集一日羽書三告急
空城孤守無一兵賊來便可攀堞入此時守臣惟一死
散遣賓朋盡雨泣不啻食祿爾何人乃願同膏寶刀澁
肉將尸隨林下填魂已鬼門關畔立間道援師會天幸
倘緩須臾必無及旋收殘旅哀散亡再選新鋒嚴伍什
整軍重卜梟鳴牙蹴賊漸看豕入苙

詔按封疆失律誅檻車連夜趣追符久石已教同死地
髡鉗那更伴危途夕陽亭下人揮涕慷慨從行更高誼
一諾甘償國士知千金笑却通侯幣生須審武橐餽隨
死要劉潛收骨瘞或傳槃水將加誅或揣園扉但頌繫

消息還憑郭解探艱危屢出陳平計緩死爰書下

九閭更從請室慰生存論詩消遣累臣寂降氣周旋獄
吏尊早入鈴柳喧未歇夜晚貫索澹無痕春來秋去牕
前草曉謁宵還陌上輪直待賜環方告別已經四百五
晨昏義聲從此流傳遍多少公卿求一見我亦聞名想
下風只疑爰髯虬髯面急裝足裏豪豬韉奇服腰懸鹿
盧劍豈知今日一班荆弱不勝衣太瘦生傾廬清言罪
不盡分題險韻鬪先成衣綰蘊藉無凡格花月留連有
勝情妾解吟詩奴識字荻簾氣味一家清翻怪孱軀耐
驚恐由來仁者必有勇才工大禮賦爭傳名到上邦門

愈重始信人間箇侯流原須出自風雅種

軍中擒獲逆首林爽文檻送過泉紀事

木籠裝囚語啾唧兵衛簇成片雲黑不須露布曳長纛
夾道爭看海東賊海東賊本一細民豈讀兵書習部勒
半夜無端嘯挺戈殺吏攻城血流赤是時鼎沸雖披猖
猝起猶堪滅朝食後先航海諸宿將持重養威示不測
隔海調兵動幾旬兵添一萬賊添億孤城遂困重圍中
糠粃俱空煮履革倘非

廟算決大舉絕島妖氛幾時熄卽今就縛入檻車不過
圈牢一豚脂若論經歲軍貲費千兩黃金一兩骨

戲筆

一卵課一雞正絹八百黎驅驢索輔脊送騾嫌跛蹄見
客吐瓜皮取啖不嫌泥東門受羊賣向西馬豆作粥噉
其妻銖積而寸累管鑰手自稽一朝委骨青山蹊荒墳
無人鳥自啼

一臺灣俘囚絡繹檻送內地再作

海風恬海波闊帆檣絡繹執俘歸口目瞠眙賊猶活初
疑海外人琵琶之腿碌礪身齒可嚼鐵碎手能舒鉤伸
誰知入蒐獮狴狴一羣犬吳歪頭陳弔眼爾勇伊何而
徒覲當時若早勤搜爬咀爾不搖牙踢爾不用靴胡爲

養成洛姬肝大於宋公鼓羽檄經年始就擒已費
廟謨遣龍武嗚呼一雞何用牛刀割不是牛刀割不得
朝端應有黑頭公世上乃無白頭賊

夜行曲

雞未鳴月先墮陰風蕭騷滿天黑夜迷失道踏坎珂暗
中有鬼不露形但閃金睛赤如火老夫獨持正法眼定
光自放青蓮朶天明但見塚纍纍斷碣無名草沒髀

武夷山

生平踏遍天南戒一隅尙缺甌閩界武夷欠我遊山緣
我欠武夷作詩債天風借我便羽翰雙鳥飛墮來崇安

正當春水發刺篙可以沂急湍路如螺紋旋一曲一改
觀懸崖奇巘不可狀畫手欲寫愁荆關想當開闢初天
神早有倂扁般各出新意弄狡獪運斤斯斧斲出千巘
岷嶺亭峯更在天際傳是錢鏐曾孫夜宴地仙人亦有
故鄉情招飮山下之人萬千計雲璈即奏碧月清錦幄
高張彩霞麗當時厨餼太狼籍鳳肺麟脯屬饜到奴隸
笑他後世秩祠官一片乾魚也供祭勝曾一散三千年
至今寂寞空雲烟太白廬山謠東坡羅浮篇名山例有
名人傳茲山雖有考亭權歌句儒家氣象不稱上清八
洞仙老夫偶來過或亦天假緣笑語武夷君倘可與君